

Go Cultura Foundation bishitando comerciantenan

ORANJESTAD – Recientemente un di e negoshinan cu a kere den Go Cultura Foundation desde un principio y cu recientemente a bira un miembro oficial di e Fundacion, ta “Taste my Aruba” café, situa den e edificio di Co-secha na Oranjestad.

Propietario, Nathaly de Mey ta sumamente orguyoso di por ta aportando na un iniciativa y un causa asina importante, no solamente pa e oportunidad y e impacto comercial cu e industria cultural y creativo tin pa nos isla, pero mas ainda pa e impacto social y positivo cu arte y cultura tin riba e ser humano.

Tur negoshi local cu ta miembro di Go Cultura Foundation, ta ricibi un sticker pa asina nan por demonstra cu

orguyo cu nan tambe ta aportando na Adelanto y progreso di nos isla.

Manera ya ta conoci, Go Cultura Foundation a wordo funda pa stimula y engrandece e sector creativo y cultural. Tambe pa conscientisa con importante arte y creatividad ta den bida di tur ser humano, y con necesario e ta pa nos duna mas sosten na iniciativanan creativo. Tin varios forma creativo y innovativo cu Go Cultura ta realisa pa por yega na fondo pa re-inverti esaki bek den proyectonan artistico cu tin un balor halto pa nos comunidad. Esaki ta segun e comunicado cu nos a ricibi.

Un di e formanan di mas innovativo ta e hecho cu nos comerciantenan ta wordo acerca y ofreci un pakete hopi

atractivo di miembresia pa asina converti nan mes den miembro y sostenedo orguyoso di e fundacion. Comerciantenan no solamente ta contribui financieramente, pero ta haya a cambio e debido reconocimiento, promocion y tambe varios beneficio durante proyectonan ehecuta, cu e fondo cu Go Cultura ta ricibi.

Esaki ta crea un tipo di consciencia den nos pueblo tambe cu consumidornan lo bira mas consciente y lo cuminsa apoya mas y mas e negoshinan cu ta aporta bek na nos comunidad.

Pues, dentro di corto tempo esunnan cu ta haci compras, sea pa producto of servicio por haci nan compra cu hopi mas entusiasmo y orguyo sabiendo cu parti di nan com-



pra lo wordo uza den e sector creativo y cultural.

Si bo negoshi ta desea mas informacion pa ta parti di un iniciativa sumamente posi-

tivo y tambe duradero, nos ta invita bo pa comunica libremente cu Go Cultura Foundation via telefon 583-0808.